



吳中靈巖山志卷之四

山中人黃習遠伯傳纂
石羊山徐應亨伯陽定

詩

皇明太祖皇帝

題西施

萬古兩奇絕越地多名山
傾國垂青史西施猶
三、百、另、定精神緩悠然體態閑
笑擁丹唇臉

宮宮句踐扼雄關伐謀集

甲乘潮渡黃池兵未還

鑿基

溫誠意伯

烏栖曲

吳宮烏啼夜已分
宮中不聞人盡聞
夜深風落
茱萸子沉沉
漏斷啼鳥死

澣紗女

臥薪終夜泣孤臣
落月飛霜幾度春
能使姑蘇
聚麋鹿誰知却是浣紗人

高啟

字季迪邑人太史

靈巖寺

閑上高臺望下方
漁村樵塢盡蒼蒼
傾城人遠
苔生逕歸寺僧稀
葉滿廊雲散池邊
流塔影雨
來閣外失湖光
廢興皆幻何須問
獨自吟詩送
夕陽

響屨廊

廊虛應屨鳴響細
識腰輕誰道吳強國
唯銷與
一頁全月滅古跡
月下歇餘聲此夕
人空聽山

雋時清耳獨步六宮春香塵

未旋踵麋鹿游遺址響沉明月中跡
泯荒苔裏此夕意誰過空廊有僧履

梧桐園

桐花香桐葉冷生宮園覆宮井雨滴夜風驚秋
鳳不來吳王愁

西施洞

廢宮春盡長蒼苔不見羅裙拂地來只恐西施
是僊子洞中別自有樓臺

澣花池

桃枝兼杏枝春色繞宮池正愛紅繁處還憐綠
淨時芳香泛幽汜媚影照清漪垂條看妓折墮
萼見魚吹杯涵明月瀉舟逐綵雲移水流花落
盡君王醉不知

洗硯池

山骨誰鑿破一泓自深黝醉後欲濡毫蜿蜒日

各

閣畫棟侵雲峰頂開猶恨當
下不能望見越兵來

涵空閣

滾滾波濤漠漠天曲欄高棟此山巔置身直在
浮雲上縱目長過去鳥前數杵秋聲荒苑樹一
帆暝色太湖船老僧不識興亡恨只向遊人說
往年

吳王井

曾開鑑影照宮娃玉手牽絲帶露華今日空山

僧自汲一瓶寒供佛前花

石射棚

石射棚張石城石鼓響未發石騎勢欲行彷彿
古戰場上有愁雲生餓鴟嘯寒風砉若箭鏑鳴
何人作此畱山中鳥獸欲過膽盡驚疑是神禹
治水時來教鬼射降妖精至今風雨夕猶聽人
馬聲嘗聞父老言鼓鳴則有兵方今瘡痍民脫
今已太平我願碎其鼓隳其棚一人安四海清

爭

琴臺

美人玉琴何處遊遺譜寫入清泉秋落葉無人
登舊榭滿山明月烏啼夜

賦得響屨廊送別

吳王厭歌舞輕屨夜深鳴安知越溪女舉步國
可傾至今山頭月空照千古情清響聞葉落遺
迹見苔生方悲故宮換復送故人行他日明光
殿君王聞履聲

香水溪

粉痕凝水春溶溶暖香流出銅溝宮月明曾照
美人浴影與荷花相向紅玉肌羞露誰能見只
有鴛鴦窺半面絳紗圍掩怯新涼歸臥芙蓉池
上殿空洗鉛妝不洗妖坐傾人國幾良宵驪山
更有湯泉在千古愁魂一種銷

采香涇

晨妝出采芳零露濕紅裳種徙山中品熏傳海
外方抱篁歸蕙逕焚鼎薦蘭堂未足娛君寢西

香

走狗塘

春堤長春草淺此地吳王曾走犬獵場四面圍
畫旗紅炬照輦還宮遲割鮮夕宴誰共食臺上
西子非樊姬春苑年來草仍綠韓盧已去多麋
鹿君不見漢皇縱狗姝有功逐兔直到烏江東

韓蘄王墓

宋室中興日將軍武畧優功宜超賈鄧名止金
張劉白馬空南渡黃龍竟北游誓擒諸部種還
報兩宮讐朝使頒金冊邊人識錦裘躍戈衝野

陣橫棹截江流殘虜亾魂走中原指掌收未終
藩閫寄已惑廟堂謀坐散熊羆士甘臣犬豕酋
和戎詞易屈復漢志難酬闕聳環山曉陵荒拱
樹秋廉頗歸未老郭令罷誰畱折檻言徒切藏
弓勢可憂俄看星隕壘永使陸沈州感慨思前
代淒涼弔古丘劍花埋虎氣碑蘚剝螭頭石騎
嘶風雨山僧護檣楸鼓旗何寂寂簡冊謾悠悠
父老悲猶在英雄事已休栖鴉嶺前墓聞說更

姑蘇臺

金椎夜築西山土，催作高臺貯歌舞。文身澤國
構王基，卻笑先人獨何苦。銅溝玉檻盛繁華，幻
出峯頭一片霞。望處直窮三百里，役時應廢幾
千家。蟠空曲路迷僊仗，攀盡瑤梯纔得上。外繞
雕龍宛轉闌，中施繡鳳葳蕤帳。薰爐長藝鬱金
香，共道千齡樂未央。茂苑月來秋珮冷，洞庭雨
過夏綃涼。當窻衆妓如僊女，揚袂迎風欲輕舉。
人從天上見經過，鳥向雲間驚笑語。日暮橫塘

花盡開，捲簾臺上望。王來宴舟初，自觀魚返獵。
騎還從射鹿，迴從登不用。持鉞隊自列，紅粧侍
高會。香傳羅帕進，黃柑縷切鸞刀供。玉鱸燭光
遠，落太湖波驚起。魚龍出沒多，城上烏啼河漢
轉。此時誰問夜如何，管絃嘈嘈聒人耳。不聞兵
來渡溪水，欲携西子走。登身醉倚畫筵嬌不起，
瞑目無因到甬東。可憐一炬綺羅空，獻楣竟墮
讐人計。賜劔應辜諫士忠，客來試問遺宮路。物
總非故牽衣始信不虛言，滿地荆榛見

年爭奪苦勞機卻把江山付落暉聞說
越王臺殿上如今亦有鷓鴣飛

又

麋鹿來過客過稀消沈霸業在斜暉游帆自向
湖邊落響屨誰聞月下歸鳥喙計成楫柵至蛾
眉舞罷綺羅非如今始悟牽衣諫荆棘遺宮淚
滿衣

望月臺

臺前夜半烏啼時起望明月彈商絲月來照見

臺上影松桂滿山風露冷

采蓮涇

青房戢多子采得儂心喜今夜水風涼君王宿
船裏行處綠雲迷歌聲一道齊回頭調越女何
似若耶溪

送瀚公住持靈巖

離宮游路絕名寺道場開我昔題詩去師今說
法來茱萸垂澗戶菡萏發池臺興壞俱空幻登

哀

楊基

字孟載邑人廉憲

吳宮

芙蓉水殿櫺廊東白紵秋來不耐風教得君王
長夜飲月明歌舞在舟中

游靈巖賦得越來溪

越女游未去越兵嗟已來青山舊溪上無復見
樓臺過客多惆悵荷花秋自開

姑蘇臺

姑蘇臺下清江晚斜日江心照闌檻臺上西施

醉捧心江邊東越愁嘗膽鴟夷裹尸去不還麋
鹿散迹游其間功成却羨陶朱子一葉扁舟弄
雲水

梧宮夜

桐階白露下濕螢光炯炯銅盤曉蟻黃秋衾夢
魂冷粉淚鉛華滴雲髻秋蟬整何處玉鑿敲芙
蓉笑孤影

登靈巖弔古

塵埋洞裏金蓮誰調臺上朱絃櫺廊春盡花落

香徑雲深鹿眠抉目臣亾此處捧心人去何年
莫洗館娃遺址山頂空流石泉

張羽

字來儀九江人太常寺丞

館娃宮

館娃宮中百花开西施曉上姑蘇臺霞裾翠袂
當空舉身輕似展凌風羽遙望三江一杯水兩
點微茫洞庭樹轉面疑眸未肯回要見君王射
麋處城頭落日欲棲鴉下堦戲折海棠花隔听
行人莫偷盼干將莫邪光燦燦

蘇臺覽古

荒臺獨上故城西輦路淒涼草樹悲廢塚已無
金虎臥壞墻時有夜烏啼采香徑斷來麋鹿響
屨廊空變黍離欲吊伍員何處所淡煙斜日不
堪題

吳宮白苧詞

織成白紵勝白絲恰稱吳娃冰雪肌渚宮金剪
製舞衣白雲一片筵前飛舞衣當筵潔且輕君
王回盼心已傾徘徊玉階夜露零桐花拂面微

涼生銀燈結穗見疎櫺隊簪遺珮滿中庭此時
不說紅錦綺得以千秋薦恩喜碧月團團墜江
水姑蘇臺上烏啼起

琴臺

坐鼓朱絃日玉人方入吳于今山下惟聽夜
啼鳥

徐賁

字幼文邑人方伯

箭涇

清溪無縈迴西望渺何極岸直形如剡波迅勢

如射飛鷗訝流羽亂雨疑鳴鏑天狼不敢渡
兕應當匿我志弧矢間一覽如中的

梵琦

字楚石禪師

韓蘄王墓

策蹇游湖上誰知異姓王泛舟懷少伯起塚館
娃傍虎踞忠魂在烏號巨壑藏穹碑讀未竟歸
路又斜陽

秦約

字文仲崇明人廣文

靈巖

岩岩靈巖山鬱鬱松桂林石路轉陰洞覽勝宵
且深如何苧蘿人傾國恣荒淫山花落笑靨山
鳥流好音我來重徘徊屐齒苔蘚侵至今山上
月猶能照捧心

王紱

字孟端梁溪人中翰

送僧瑀楚南住靈巖寺分題得披雲

臺

古寺香臺客到稀閒雲無伴待師歸霏霏偏解
護禪榻片片寧堪補衲衣舒卷任緣那有礙去

畱無着總忘機講時應有神龍聽化作遙天法
雨飛

黃哲

字庸之南海人翰林待制

鳥栖曲

九月過姑蘇江頭霜草枯秋風吹葉盡愁殺夜
啼鳥棲鳥月明裡霜重驚還起無處托安巢啞
啞渡江水江波淺復深東去無還心白苧吳宮
曲能成哀怨音只言懽樂長相保青春幾時秋
又老可憐西子斷腸花不及虞姬美人草舞罷

斜陽金縷衣椒房絳燭明星稀越騎爭馳海山
動吳歌尚繞梁塵飛白苧哀烏啼夜半閨門開
鴟夷浮江麋鹿來月明猶照姑蘇臺

孫蕢

字仲衍嶺南人翰林典籍改本郡經歷

白苧四時詞

姑蘇臺上春風和江花亂落江水波交疏楊柳
綠參差華筵夜列開綺羅當筵西施間羣娥朱
顏爲君起微醺自拈紅牙節清歌飛花着人思
繁多華月耿耿度斜河疎星出河夜欲過烏啼

啞啞奈爾何

閨門輦路薰風時江光潏灩芙蓉披翠羽霓旌
照洲渚鑿輿出遊初避暑西施含顰嬌不語群
娥鬪起歌白苧回風舞袖君爲舉歌聲窈窕一
何長白苧之白白如霜木瓜花紅荔子香東江
月出西江光銀壺酒多樂未央

館娃宮畔風蕭蕭芙蓉隕香楊柳凋銀河影澹
烏鵲橋熒熒雙星麗碧霄美人微醉臉紅潮筵
前舉袖吹玉簫舉歌白苧鬪嬌嬈越羅楚練風

飄飄此時奉君情欲絕銅龍夜深宮水咽銀牀
低轉梧桐月

北風吹江日宛宛江天飛雪簾櫳滿美人臺上
鬪腰肢羽觴流霞照華瑄筵前西施含醉眇歌
停綠水聲欲緩群娥玉環低款款別宿臺前水
仙館芙蓉帳高錦雲暖儂覺寒宵作那短

宗泐

字季潭高僧

姑蘇臺歌

姑蘇臺上麋鹿遊吳江水映西山秋館娃宮樹

迥不見落日荷花今古愁向來豪客曾樓櫓醉
擁吳姬夜歌舞齊雲易逐浮雲飛鬼火三更照
寒雨

姚廣孝

法名道衍相城人太子少師

靈巖寺

疊嶂來山尾平湖對寺門登危逾近郭望迥更
連村客醉迷花畔樵歌出樹根不煩畱煮茗雨
過井都渾

琴臺

崇臺起雲岑夫差日遊宴七絃石上彈閒花落
餘片風清松答響烟茸草成薦至今想餘音冷
泠散秋院

半顛 楚僧

琴臺

幾彈石上五雲深挑出湖波片月心絃外有聲
誰解聽一山春樹曉鶯吟

志西 本寺僧

山房

路入烟霞石作梯林深香自襲人衣鳥啼花外
山房靜風起開門僧未歸

惠雋 本山住持

懷古

長夜高臺宴未旋東風吹下越來船捧心方妬
三千女嘗膽誰知二十年花發屨廊蜂蝶領草
深香徑鹿麋眠憑欄無數傷心事都在西山夕
照邊

答客

七級浮屠聳碧空
館娃宮作梵王宮
相逢莫問前朝事
吳越興亡一夢中

盧大雅

龍虎山羽士

姑蘇懷古

胥目懸門鳥喙過
至今哀怨入吳歌
山河不為興亡改
城郭其如感慨何
廢苑春深芳草滿
荒臺秋盡夕陽多
醉來一覺扁舟夢
也勝豪華逐逝波

黃彥和

字子彬山中人

靈巖寺

列磴崔嵬入紫霞
山椒紺殿半雲遮
樓藏梵宇三千帙
烟鎖吳城百萬家
湖上歸帆懸落日
巖前臥石接平沙
吳亾越霸僧無問
趺坐松根理法華

張楷

字式之鄞縣人大中丞

吳宮怨

江空月冷天如水
銅龍漏咽沉檀死
宮中粉黛一千人
醉眼相看嬌妬起
自入朱幃并翠戶
幾

番曾得君王顧君心好惡自不常豈在區區歌
與舞宮門倚天鈴索垂凍霜吹老青桐枝玉鑾
隱隱背墻去何人邀得君王至君王豈無容妾
地舊劔猶存肯終棄

朱靜庵

閩秀父祚符卿夫周濟廣文

白苧詞

西風蕭蕭天雨霜館娃宮深更漏長銀臺絳蠟
何煌煌笙歌勸飲催華觴美人起舞雪滿堂清
歌宛轉飛雕梁君王沉醉樂未央臺前月落天

蒼蒼

徐有貞

字元玉邑人武功伯

靈巖

靈巖嘉境古禪宮孤塔嵯峨倚碧空倚檻湖山
蒼霧裡隔林雞犬彩霞中鹿行絕頂琴臺月鶴
唳西施洞口風昔日香魂何處覓惟存片石見
遺踪

水龍吟慢

佳麗地是吾鄉看西山更比東山好有罨畫樓

臺金碧巖扉髣髴十洲三島却也有風流安石
 清真逸少向西施洞口望湖亭畔對雲影天光
 上下相涵相照似寶鏡裏翠蛾粧曉且登臨且
 談笑眼前事幾多堪弔香徑蹤消屨廊聲窅麋
 鹿還遊未了也莫管吳越興亾爲他煩惱是非
 顛倒古與今一般難料嘆宦海風波幾人歸早
 得在家中老遇酒美花新歌清舞妙儘開懷抱
 又何須較短量長此生心應自有天知道醉呼
 童更進餘杯便拚得到三更乘月迴仙棹

王世貞題靈巖勝游卷曰天全先生游靈巖
 作此詞寓水龍吟慢已載郡乘中此卷爲劉
 以則書者以則靈巖之東道主也其詞不盡
 按格而雄逸伉爽時一吐洩居然有王大將
 軍塵尾擊唾壺態書筆勝法亦往往稱是卷
 首沈啓南畫足爲茲山傳神劉西臺祝叅省
 錢學士皆有書名者獨桑民懌以
 文自豪而語不甚稱爲可恠也

萬表

字民望鄞縣人都督

靈巖寺

歌舞易消歇千秋一寺存日斜寒塔影僧掩薜

蘿門

唐詩

字子言梁溪人

姑蘇懷古

姑蘇臺上月如霜
姑蘇臺下秋草荒
可無麋鹿游宮苑
仍有啼鳥來女墻
鴟夷扁舟去浩蕩
闔閭雄劔埋精光
伯業千年已陳迹
客心終夜徒悲涼

李東陽

字賓之楚人謚文正

蘇臺曲

草深香徑合花冷
麋廊空惟有吳宮
水春城四面通

樓臺春後掩環珮
月中行莫上胥門
望寒湖昨夜生

李夢陽

字獻吉北地人學憲

賦得姑蘇臺送李推官士允

少年何官騎白馬
秋日經過古臺下
回瞻遠慮意撼促
下馬行歌淚盈把
猗嗟築此誰為臺
千年棄土猶崔嵬
麋廊娃館瓦礫積
美人白骨生青苔
枯篙蟲吟莽蕭颯
飛雲叫鴈雙徘徊
當時金屋玉起樓
豈謂臺成麋鹿游
寶鈿黃金裹瑟

瑟雨時濯出樵人收李生豪士扶風儔悲歌久
 抱流連憂世家各讀日一過獨廢吳越傷春秋
 復思鴟夷氣益奮怒目每送長濤流扶眼東門
 事已往茲臺再過君休上日暝烟波湖水深范
 歸恐有同行槩

熊卓

字士選豐城人侍御

經姑蘇

闔閭城邊回短棹行行烟柳入江臯
 萋迷碧草吳宮裡春色年年發絳桃

王九思

字敬夫鄆杜人檢討

白苧詞

吳姬越女天下無生綃素絲冰雪膚
 鳴環曳履當坐隅為君舞向紅氍毹
 錦瑟瑤箏樂與俱嫣然一笑千斛珠
 君今不飲西日徂

吳寬

字原博郡人宗伯謚文定

木瀆

舟行三十里初向瀆川過客路偏逢雨
 人家盡枕河橋橫炎福嶺水接洞庭波
 倏爾嗟春及田

間見荷簑

靈巖山

三十年來續舊游莫春時節水西頭前朝古蹟
終難減半日浮生得自由鳥下林間雙白羽山
橫湖上兩青漚笛聲忽自琴臺起落日都忘滯
彩舟

沈周

字啓南相城人

登靈巖

霸業烟消突此峰使直登覽夕陽中衣沾雲氣
疑身舉酒挹湖光覺眼空翠雨禿廊苔匝綠
陰琴石樹玲瓏下山更吊蘄王墓十丈穹碑萬
古忠

姑蘇臺

姑胥遺事有荒臺今日登臨尚可哀流水梧桐
幾番夢獨憐公聖不重來

開國樂湖山流觀起高臺因有獻楣人木青自
茲來侈泰自亾國捲地驚風埃

王鏊

字濟之東洞庭人太傅謚文恪

靈巖懷古

夫差霸業今何在香徑鳴廊鹿自游天際青山
環故國夜深明月在荒丘濤聲不盡英雄恨草
色猶含粉黛羞莫為吳宮多悵望今來古往亦
悠悠

祝允明

字希哲郡人京兆

姑蘇懷古

勾吳於越千秋夢范蠡西施一種才麋鹿綺羅
都不見紫烟終古鎖荒苔

桑悅

字民懌海虞人別駕

烏啼

秋滿長林樹有聲啞啞相傍訴私情吳王臺上
斜陽裡霸業能消幾度鳴

楊循吉

字君謙邑人戶曹郎

游靈巖次韻

巖陽草木本芳幽更有寒泉相繞流學道豈須
勞乞鑑入山何用待封畱東峰西嶺芒鞋下明
月清風拄杖頭回首古人皆不見休因越喜為

吳羞

文徵明

字徵仲郡人翰林待詔

春日游靈巖懷古

參差蓮宇逐飛埃斷磴荒基夕照開
青草欲埋山下路白頭曾及劫前來
五湖對酒真如掌千載鳴琴尚有臺
喬木蔽空回首盡老僧猶自護松栽

姑蘇臺

春風吹白髮醉上碧岩堯旆落天邊
雨人行樹

裏橋舞臺荒草合王氣野烟消吳越橫分地登臨不自聊

劉珏

字廷美郡人僉憲

登靈巖

攀盡藤蘿躡盡雲上方纔到又斜曛
花空越女曾遊徑草沒蘄王舊賜墳
往事不須遊客歎好山暫與老僧分
浩歌歸去扶殘醉驚起松梢鶴幾群

唐寅

字伯虎郡人

登靈巖

山鬼踉蹌佛殿荒老僧指點說吳王銀瓶化去
餘宮井柿葉飛來滿歷廊

陸俸 字公爵里人進士

靈巖

歷廊響斷鳥啼續香逕烟迷蝶夢殘荒草亂侵
歌舞地傷心幾處倚欄杆

蔡羽 字九達西洞庭人翰林孔目

姑蘇臺

夜右文題月朝有出棟雲高臺佇歌舞羅綺何
紛紛吳月常從越山起越花卻種吳宮裏眼前
不盡西子歡安用窮觀三百里興亡不自由春
草生銅溝惟有橫山色空帶蛾眉羞香魂想像
朝雲廟綠泥繡斷金燕頭朝雲滅金燕冷夕陽
滿地青楓影

吳門雜咏

綠霧丹霞人面花水聲猶送七香車啼鶯不斷
宮前路說是吳王舊館娃

徐縉 字子容西洞庭人少宰謚文敏

靈巖歌

當昔靈巖繁盛時吳王曾此宴西施西施洞口
傾城姿管絃歌舞日相隨琴臺冉冉烟花滿香
徑紛紛蘭蕙滋一朝樂極歛生悲越國兵來那
得知臺上空憐走麋鹿江頭却恨投鴟夷離宮
別館今塵跡露井殘碑半湮沒梵宇蕭條山欲
頽山之書見此空為人嘆息我來日暮松風生
獨立荒丘山月明不緣興廢重回首祇為山靈

一軫情

劉溥 字原溥郡人御醫

靈巖

一上高樓欲斷魂英雄不見水犀軍屬鏤劍上
飛青血響屨廊中散彩雲日落寒鴉啼古堞月
明金虎出孤墳可憐歌舞宮墻地千古蒿萊走
鹿群

蘇平 字秉衡海寧人

姑蘇臺

吳王霸業雄且強吳王宮中白日長尤物初來
越溪女蘇臺高起天中央蹙蹙春衫裁白苧粉
黛三千樂歌舞夢入巫山雲滿衣睡起花枝日
當午詔也何人竊高位諫諍無聞益驕恣抉日
那知國士忠捧心詎識妖狐媚半夜聽歌酒半
醒越兵尋已下吳城西施復逐范蠡去太伯宗
社俄頃傾香徑蕭條入平野昔日綺羅成土瓦
烏啼夜月廢城頭鹿走春風舊臺下臺下蒼烟
迷故丘臺前江水至今流多情惟有闔門柳落

日空含萬古愁

顧鼎臣

字九和崑山人大學士謚文康

游靈巖歌

湖上群山羅紫烟靈巖疊巘開青蓮小輿伊軋
松林午興高直上山之巔山僧指點因借問館
娃舊跡今茫然琴臺草長迷香砌古井苔花浸
乳泉銀牀寶瑟歸何處屨廊施洞名空傳怪石
如人寂無語曾接瓊筵聽歌舞美人進酒甘如
飴不道降王嘗膽苦前山高臺凌杳冥鏤金爲

梁玉為柱朝朝暮暮恣行樂臺土未乾麋鹿聚
與人豈獨悲吳越秦宮漢苑皆蕪沒古木幽沉
伍相祠寒食何人薦芳芷

沈愷

字舜臣華亭人同卿

蘇臺弔古

衰草寒煙日欲斜城頭落木有歸鴉苧蘿不記
當年曲麋鹿時依上苑花范蠡湖邊應識主子
胥山外更誰家相逢莫問興亾事越水吳山並
可嗟

烏栖曲

館娃烏啼夜如晝美人如花舞紅袖更嘲迭笑
醉且狂不知明月低西方越羅下杼越王獻吳
姬養蠶不學線一女入室百女愁百女不為越
兵憂

王穀祥

字祿之郡人吏部郎

游靈巖

弔古尋香徑傷春步屨廊玉容人影絕碧草洞
門長獨上臨巖寺因之禮法王登臺回首處湖

外又斜陽

過姑蘇臺

西子歸何處荒臺半已塵徒聞歌舞地不見綺
羅人麋鹿時相逐江山空復春當尊聊自遣往
事共誰論

吳一鵬

字南夫郡人宗伯謚文端

靈巖寺

名山突兀郡城西細草青青路不迷訪古却尋
僧作伴凌空聊借石為梯峰頭日漏雲初破洞

口春歸鳥自啼風景撩人杯入手何妨醉臥在
招提

周正

字子建吉水人

游靈巖寺

攬勝招提境湖光接廢臺長廊無屨響異代有
人哀樹密鳥相喚山空花自開殷勤尋往事斷
石臥蒼苔

錢復亨

字泰始華亭人

蘇臺懷古

闔閭楊柳幾春風山遠臺高四望空麋鹿不來
人亦去鷓鴣啼處是吳宮

周沛

字允大山陰人

夫差

吳越邇鄰封謀臣情易指矧發垂沒言三年猶
在耳如何盛意氣歌臺日靡靡快志爭石田藏
戈在燕喜借問度江誰五千餘死士七人胡大
罪一朝皆賜死窘然居甬東悔過悲晚矣吳亾
越亦傾胥沈終逮詬

陳鶴

字鳴野山陰人百夫長

西施

西施閑且都含笑出流蘇風響衣前玉花搖額
上珠芳心猶捧越艷色已傾吳一入陶朱棹為
雲向五湖

樊鵬

字少南信陽人僉憲

白苧辭

西方美人東鄰子翠眉皓齒新羅綺一顧傾城
未足嘆清歌白苧迴江水長風吹天散海雲霜

鳴哀響秋潭深館娃宮中歌未歇白雪陽春且莫吟

曹起巖

字佐商婁東人廣文

靈巖懷古

小艇返穹窿春波澹蕩中空山撐古塔云是吳王宮舍舟命短屐單袷當松風石徑無埃滓琴臺倚空濛塔將霄漢接井與滄溟通五湖烟渺渺石室草茸茸麋鹿今看少黍離悲昔同

伊乘

字德載郡人僉憲

游靈巖

未愜登臨趣兼懷悵望心洞遊環珮遠寺掩薜蘿深吳越有興廢湖山自古今松風臺上起猶似韻清琴

皇甫洵

字子安邑人檢討

晚登靈巖琴臺

秋澄夕陽外風籟何飄飄望津勢欲盡凌梯心屢搖松岑帶暝色村靄下歸樵勝事成幽獨虛懷寄沈寥

湛若水

字元明增城人大司馬

登琴臺

陟登千仞岡超然坐琴臺湖水幾清淺念之令人哀

王材

字子難江右人太常卿

獻花巖

靈巖細路遶青霞匡閣飛懸漢上槎複殿頻攀香徑仄疎鐘間出秀峰斜軒搖翠靄濤生竹洞宿晴雲雨是花酒罷不知歸路杳松門還報午

蜂衙

林庭棉

字利瞻閩縣人郡守

游靈巖

秋日肩輿野外行綠雲高下晚禾成愁顏剛為貧民解旅夢偏同老衲清野鶴向人如欲語山花過眼不知名登高獨采幽風奏弔古空懷作賦情

朱豹

字子文上海人侍御

游靈巖山

南上靈巖路未窮尋幽曲曲萬松中湖心波浪
 連天白山頂雲霞近日紅草綠琴臺人去遠烟
 迷香徑鶴巢空老僧莫說前朝事石上高歌坐
 晚風

袁袞

字永之邑人僉憲

靈巖

君王歌舞地樵采使人哀土木遺危刹丹青委
 廢臺草當香徑合花傍鹿場開且盡登臨興湖
 光入酒杯

趙樞生

字彥材婁東人

春日曹汝為書來擬游靈巖詩以邀
 之

靈巖巖地群嶺鬱相望勝有夫差迹名留西
 子香龕根滋石色嵐翠倒湖光屈指同游日春
 江一葉航

彭年

字孔嘉郡人

同公瑕魯望登靈巖懷舊游

宿雨初晴霧靄收振衣靈阜試春游四百八寺

雲外隱七十二峯天際浮香徑花深鷗汎汎琴
臺草茂鹿呦呦故人已作十年別霸迹空餘千
載留

陸師道

字子傳郡人符卿

九日登靈巖山

復嶺重湖錦甸開清秋佳節倚琴臺銷沉伯業
江山恨飄忽浮雲今古哀麋跡久荒香徑草蝶
竟猶繞菊花杯時有蝶翻飛向客縈繞不
去客戲謂猶館娃游魂也簪萸
落帽還吾輩斜日青天長嘯回

李攀龍

字子鱗濟南人學憲

答友人寄吳紗

西施浣紗江水中下機便入吳王宮憶昔紅顏
搖白雪悽然素手棄秋風新裁薜荔忽無色更
集芙蓉應未工使君贈我視縞帶願言不忌披
裘翁

白紵歌

華燈參差月舒光笛簫笙竽琴瑟張館娃窈窕
夜未央西施起舞屬吳王白紵颯沓零繁霜浮

雲綽約凝且翔將絕復引歌爲長迴身急入保
管藏揚跗摩跌匝洞房流風徘徊生繡裳答將
應節蹈鼓行挺釵欲墮復不遑羅袖繚繞滿中
堂與志變化無恒常諸工競寫忽已忘遷延就
次進羽觴

梁有譽

字公實番禺人大叅

吳宮

月墮平湖漫不流烟波何處可消愁千年人傍
要離塚萬頃誰尋范蠡舟廊下悲風聞響屨堂

前清宴憶傳籌竹枝似寫當年恨聲起吳江柳
葉秋

姑蘇懷古

看山幾日到吳中遊客登臨感慨同金虎跡荒
靈氣滅水犀軍敗伯圖空春歸茂苑鳥啼月花
落橫塘蝶怨風誰識倦游心獨苦扁舟長憶五
湖東

黃姬水

字淳父郡人

靈巖

櫺廊香徑但烟霏千載繁華事已非一自吳王
館西子至今猶剩彩雲飛

百花洲畔館娃西荒楚含烟景物凄曾是吳王
歌舞地一林古木莫鴉啼

王世貞

字元美婁東人大司寇

九日泛舟靈巖以病且雨不克登

伏枕移船秋色來秋山空抱碧崔嵬乾坤總負
登高意風雨難私濟勝才誰遣紫萸供獨笑祗
應黃菊背人開欲知游賞俱陳跡吳越雙雷萬

古臺

靈巖晚眺得思字

天敞峰迴入暝遲興來携策未全疲摩娑草藉
琴臺色徙倚風傳苧婦詞穿澗乍驚殘屨響落
霞猶似罷妝時還聞越館仍陳跡極目凭闌重
所思

王世懋

字敬美奉常

登靈巖得琴字

杖策逍遙度碧岑千厓欲盡俯祗林雲蘿大澤

浮天地日落荒臺見古今池館故餘麋鹿恨洞
門長護薜蘿陰勝游寂寞當年事徙倚如聞白
苧吟

王道行

字明甫太原人郡守

游靈巖

雨洗秋山喜乍晴招提天外早鐘鳴丹楓浥露
珠千樹碧甃飛泉玉一泓塔倚鴻濛寒北斗屏
開巖岫晃東瀛探奇吾欲逃名久萬頃烟波弔
古情

張元凱

字左虞都國

靈巖寺

茲山吳之望云是故宮址再爲佛子廬今亦莽
荆枳仲秋巖壑清日暮岡巒紫浮圖自孤撐斷
碣仍礙屣繩牀懸石室空庭蒙葛藟四山出重
雲颯颯林颿起缺月深韜光慧燈照棊几談禪
謝觴酌空門遠塵軌相與證無生夷然忘所履
寂寂此巖阿昔被明光綺二井苔蘚封俱曾照
西子慨念今古人榮華若流水

巖廊洞室幾經春
梵刹離宮總劫塵
宿草自荒麋鹿徑
空山曾識芡蘿人
千花搖落存孤塔
雙樹婆娑少四鄰
縱是五湖堪一葦
煙波何日出迷津

謝註

字漢詒朝城人邑少尹

登靈巖

溪岸遶松斜抱閣
石廊圍竹暗通泉
上方直隔三千界
勝地思游二十年

梁辰魚

字伯龍崑山人

吳宮

吳宮夜靜飛清商
秦箏絃促春思長
銀蟾三五流素光
玉樓十二生微涼
美人起舞驚鴛鴦
君王半酣樂未央
蘭膏不滅歸洞房
日初出越兵入朝
作吳宮娃暮隨五湖
客人言五湖之游或
有無恐其破越猶破
吳君不見臨春閣外
兵初起擒虎入麗華
死

鄭坤

字順卿洞庭人

蘇臺感興

香風日日醉西施麋鹿來游竟不知百歲歡情
殊未極扁舟依舊逐鷗夷

張弼 字汝弼華亭人南安太守

蘇臺懷古

吳國危機出苧蘿于今塵跡亦消磨行人不識
楚臣怨商女還能子夜歌香徑白楊啼野鳥花
洲綠水付群鵝五湖山色依然在應笑繁華去
似梭

宋登春 字臺卿新河人

蘇臺覽古

吳王昔日好吳鉤義士三千盡列侯霸業已隨
雲北散雄圖空復水東流荒臺寂寂漁樵路故
苑蕭蕭草樹秋惟有館娃宮裡曲至今歌向采
菱洲

羅柔 字文徽梁溪人建寧守

登姑蘇臺

輕風陌上走香埃立馬姑蘇百尺臺寶劍光茫
生殿閣畫船歌舞集山隈館娃有地畱陳迹樹

檟無陰蓋楚材惆悵浣紗溪上石青錢依舊長
莓苔

間道韓盧方逐鹿深宮歌舞正啼鳥當時獨羨
賜夷子一笑乘風去五湖

馮世雍 字子和江夏人新安守

白紵歌

歌舞夜長日易暮庭燎無光火生樹西施笑擊
紫鼉鼓白紵一聲送驕舞舞衣狼籍歌停聲昂
參猶向宮墻明城頭啼鴉報朝候君王尚醉瓊

瑤庭庭中有人可君意春風一枝白穠粹舞倦
酒闌君莫棄

李時行 字少借番禺人主政

姑蘇曲

三月三江曲垂楊復垂柳朝看燕引雛莫聽鶯
求友此時花鳥競妖妍此際風光正可憐錦轡
分飛爭道路朱輪合沓出郊塵千門簫管聲如
沸公子豪華多意氣雕鞍雲凝故相家玉蘭花
覆將軍第春衣製紫絨劔珮拂猩紅暫醉專諸

宅還宿館娃宮。館娃宮裏飛花滿。姑蘇臺上游
絲軟。吳姬二八笑當壚。能向春風歌宛轉。宛轉
歌正微。朱顏世復稀。分明不是陽臺路。只愁化
作彩雲飛。

顧冶 字世叔梁溪人

采香涇

窮涯罨野薇柔腕。拘香處粉蝶太多情。狂風吹
不去。

琴臺

流水絕朱絃。荒臺依碧草。動操尚泠然。更道吳
趨好。

佛日巖

我佛本無日。云何而有巖。老僧貪法見。林壑引
琅函。

醉羅漢

羅漢既非真。醒迷卽是幻。臥石得我心。袖向蘿
間綻。

陸承憲 字伯憲郡人

木瀆

山壓千家市湖昏萬壑煙古宮今寂莫吾輩此
畱連雲白西施洞花明范蠡船惟應問春去香
徑在西邊

靈巖山下梅花

西去靈巖路村村不斷花千株雲半濕一壑水
全遮香過風林曲寒衝雪徑斜只愁行易盡小
艇故黏沙

王穉登 字百谷邑人

木瀆

木瀆晴烟萬戶新靈巖孤塔碧嶙峋荒臺琴瑟
空猿鶴春社旌旗自鬼神山氣近人生翠靄湖
光隔竹動烏巾田家莫道無春色滿屋梅花地
不貧

靈巖山下梅花

岸曲花千匝橋斜水一灣家家住香靄樹樹映
青山不負扁舟興能消半日板山川太奇絕游
子不知還

董嗣成

字伯念烏程人儀部郎

靈巖山

人世煙霞境前朝綺繡都層雲霧峭石絕巘頰
 平蕪日月諸天近星辰萬象殊方輿遙控楚霸
 業總消吳淑氣移千殿寒陰散五湖臺空琴半
 落天迥塔全孤鳳輦虛環珮龍池廢轆轤花深
 廊窈窕薛蝕碣模糊代謝看麋鹿興亾付鑄鏤
 祗今禪院寂唯有夜啼鳥
 吳中靈巖山志卷之四終

吳中靈巖山志卷之五

山中人黃習遠伯傳纂

宛古酈許起龍雨辰定

詩

皇明二

王格

字汝化京山人太僕

感懷

昔有西施女浣紗越水傍一朝蒙顧盼寶祿侍
 椒房春風吹茂苑明月照迴廊在賤豈知貴既
 貴亦相忘當時同澣女效顰徒自傷

吳國倫

字明卿楚人憲副

姑蘇懷古

欲上姑蘇望五湖
虛傳詞客賦吳都
祇今佳麗稱名郡
終古山川想霸圖
風雨胥臺寒自落
兔狐娃館夜相呼
百花洲上披蓑者
不問陰晴只釣鱸

申時行

字汝默邑人少師謚文定

九日偕友人靈巖登眺

霜飛木落正重陽
挾客登山到上方
習靜暫投

祇樹苑憑高仍汎菊花觴
琴臺霧暗龍吟寂
笠澤天空鴈影長
勝會且教容白髮
頻携蠟屐領秋光

又登琴臺

娃館遺踪遍草萊
孤雲猶自擁琴臺
高山悅借絃中調
落木虛疑爨下材
指點群峰時倚杖
盤桓片石且銜杯
臨風莫遣頻吹帽
短髮逢秋思轉哀

暮登靈巖閣遇雨

青山傑閣倚雲開
白髮扶筇破暝來
點點蒼煙浮硯沼
離離碧草覆琴臺
千峰雨挾春雷驟
萬木風生夜壑哀
莫爲吳宮多悵望
且從蘭若暫徘徊

靈巖登眺

萬疊峰陰接太湖
九層蓮影插浮屠
巖花石竹還今古
香徑草堂半有無
麋鹿荒郊春草徧
螭蟠舊館暮雲孤
休論吳越當年事
落日空山聽鷓鴣

登涵空閣用高季迪韻

憑高欲盡五湖天
飛閣重開萬仞顛
納納乾坤浮象外
垂垂星斗曳檐前
雲陰汗漫吳王苑
水色微茫蠡船倚
檻更舒千里目
不堪惆悵館娃年

中秋病懷

靈巖高閣倚琴臺
雁塔排空寶鑑開
欲向東林分半榻
不堪扶杖入山來

閏九日偕俞羨長黃伯傳登靈巖

清秋當閏月高會續重陽閣倚雲霄上尊開薛
荔傍松風傳谷籟巖日蕩湖光縱目憑闌久冥
鴻去路長

久爲塵中累偏憐物外游一尊頻借客九日再
逢秋丹壑迴青眼黃花對白頭不愁歸路晚明
月送扁舟

響屨尋遺跡鳴琴指舊臺迴攀祗樹苑重泛菊
花杯鳥逐歸雲去山街落照來登高誰作賦詞
客有仙才

閏九月九日登靈巖

晴日登高汎羽觴一年兩度見重陽頻來轉覺
湖山勝老去偏憐歲月長扶杖更移新蠟屐振
衣仍佩舊萸囊風流不厭頻吹帽秋色依然在
上方

林世璧

字天瑞庭柳之孫

吳門歌贈林太守

君不見吳王昔當全盛時高宮蔽闕何參差清
歌一曲美人舞滿堂羅綺香風吹千年人事一

朝改西飛白日東流海姑蘇臺上鳥空啼響屨
廊前月應在由來名勝數勾吳遙枕三江控五
湖水國芙蓉霞爛熳春城楊柳煙模糊此中爲
政有遺矩四十年前有吾祖五馬今看迎使君
遙知士女紛歌舞風流應獨擅幽閒掃地焚香
花鳥間得句還過湖上寺探奇時看雨中山昔
時百花洲已荒百花今復隨君香送君此去更
何言九月涼風吹故園自笑淮陰猶把釣淒涼
誰肯問王孫

皇甫沔

字子循邑人司勳

登靈巖

棟宇開靈嶽池臺隱廢宮已看塵劫遠猶想霸
圖雄野霽呈秋色濤喧見晚風從知挂帆意遙
在五湖東

青山行處近白社到來稀城化途猶是臺傾殿
已非香泉流壑冷花雨入林微何事鳥栖盡僧
船載月歸

居節

字士貞邑人

登靈巖

天開靈勝地曾此醉吳王千壑鶯花暮五湖煙
水長捧心猶有洞響屨已無廊一自琴聲絕高
臺空夕陽

顧孟林

字山父周山人

宿靈巖

支策躋危磴峯頭坐月明澄湖翻練影流水帶
琴聲僧汲臨宮井樵歌出石城山靈只如許變
幻古今情

王靈嶽

字子幻松陵人

登靈巖山飲高閣望太湖

吳宮歌舞斷空翠幕巉巖野色虛樓納嵐光瑯
井銜塔迎高漢島雲接太湖帆酒挹仙娃影飛
花點客衫

館娃宮

鶯聲帶吳歌花落宮妝冷越王臺亦荒島喙迷
空影

西施洞

苧蘿迷玉洞曾過捧心人湖上雙峰色嫣然眉黛擡

吳王井

雙迸鴛鴦泉甃冷芙蓉石夫差淬干將雪噴劔花碧

琴臺

峰頭百尺臺美人弄纖指夢落范蠡船春風澹流水

響屧廊

步憐傾國人空廊暗香霧日暮春聲迷燕帶飛花度

采香徑

國破芳蹤滅苔痕點翠鈿香吹山蝶夢飛墮百花前

金朗

字元朗光福人

登靈巖山

雲外聳遙岑離宮春草深君王罷巡幸野客自登臨花氣浮香徑泉聲咽玉琴霸圖輸淨業感

慨起長吟

袁宏道

字中郎公安人邑令

西施

西施山一片土不惜金作城貯此如花女越王
跪進衣夫人自蹋鼓買死傾城心教出迷天舞
鏡山作館娃舞袖猶嫌窄舞到夫差愁破時越
來溪上兵潛入

顧封之

字始餘香山人

借黃伯傳登靈巖

雲上涵空閣春來幾度登問知孤塔燬坐惜衆
峰崩三月多游客千花一醉僧獨憐池上月常
伴佛前燈

傅光宅

字伯俊聊城人邑令

醉僧石

綠蘿爲帶蘚爲衣醉裡逃禪立翠微却笑生公
臺畔石醒時聞法始皈依

徐令

字元異里人

宿涵空閣

乘月躋危磴眠雲宿上方井中涵樹影洞底納
湖光踏葉疑鳴屨游蜂自采香繁華如一瞬佛
日可云長

許志問

字裕父東洞庭人

靈岩山下訪黃伯傳遂宿秀峯寺

艤棹人家盡掩關來尋叔度水雲間纔聞剝啄
隨呼酒未及寒暄卽問山雨度籃輿千磴滑宵
分禪榻一燈間館娃宮廢多遺蹟秉燭穿林次
第攀

李維楨

字本寧京山人太史

登靈巖

筍輿十里遡松風幾度登臨感慨同閣外風帆
疑楚澤巖前雲樹隱吳宮歌臺絕響春啼鳥花
徑寒香午聚蜂少伯功成携越艷祗應身隱五
湖中

馮時可

字元成郡人大叅

靈巖懷古

空巖曾說館嬌娃吳子當年事亦奢花似杜鵑

愁正發臺游麋鹿恨無涯管絃餘響聽流水脂粉殘妝看落霞轉眼千年知幾變東風又屬法王家

吳安國

字文仲憲副文端公之曾孫

登靈巖山

尋真表名山覽古寄靈蹟何爲阻登眺想像悵今昔茲辰偶招携杖策信所適扳蘿陟嶽崆穿徑度幽仄故宮沒餘基空山少人迹雲藏鐘聲杳日射塔影寂入寺叩僧寮啜茗解供客登樓

展清嘯萬頃同一碧澄波蕩空明松風暗相激探奇景欲窮事往感逾積暮采芳徑香且憩琴臺石疎林歸鳥下殘霞挂絕壁蒼茫獨成詠呼酒更浮白

西施洞

千載香魂去不來空餘狐兔走荒臺天台亦有神仙洞流水桃花歲歲開

響屨廊

玉殿虛廊聽屨鳴月明疑向洛波行蒼苔露冷

無遺跡落日空山只鳥聲

采香徑

荒徑寒烟鎖薜蘿
故宮禾黍恨猶多
芳香一夜隨塵土
采葛何如越女歌

鄒迪光 字彥吉梁溪人憲副

靈巖山

茲山具靈異吳服
奠表裏巖嶭割天居
瀕洞銜日軌披幕長
洲雲吸納具區水芳
竇宿虬螭澄潭鏡
羅綺巒容繡松葛巖
頰綴桃李扳條刺衣

衿紆磴折屐齒石詭
饒異觀徑側非一理
憶昔吳夫差懽娛吳
西子膏澤入寂莫餘
芳猶羅靡香廊慕履
社僧烟起高臺走麋
鹿霸圖化荆枳何如
此山川鴻濛巨終始

響屧廊

絕色吳宮早擅名
還因卻輦得風情
三千鳳吹紛前導
十萬蛾眉在後行
蹴踏金蓮看不見
飄飄羅襪若為聲
香廊人去游麋鹿
寂寂空山草蔓生



原件短缺

第10~11頁

楊漣

字大洪楚人常熟令

游靈巖

偶暇作春游
翛然入深峭
不見響屨人
山花澹相笑

登琴臺望太湖吊古

荒臺猶峙太湖濱
琴韻唯聞鳥弄春
范伯功成愛雲水
不須載去澣紗人

申用懋

字敬中邑人同鄉

九日登靈巖

趙宦光

字凡夫婁東人隱于寒山

石鼓山懷古

闔廬曾此作林園
花盡唯餘草露繁
銀燭滿宮春不夜
一僧歸院易黃昏

吳明璋

字仲玉海陽人

登靈巖

人知虎丘寺未識此巖阿
香徑蒼苔合曾經翠輦過

吳宮消歇劫灰飛
蕭寺常含慧日輝
試問巖前



原件短缺

羅漢石花開葉落幾僧歸

張允文 字孟孺 襄左虞職

宿靈巖同黃伯傳作

宮苑蕭蕭蔓草生倚闌人醒月微明風飄梧葉
投雙甃疑是空廊屨嚮聲

徐如翰 字檀燕 紹興人時為比部郎

遊靈巖

步上靈巖雲外峯芒鞋帶雨問遺踪琴臺絃絕
流泉續響牒廊空蔓草封窳堵摧殘餘佛骨宮

池寂寞笑芙蓉空傳巖洞名西子不聽笙歌聽
梵鐘

阮自華 字堅之 皖城人時為戶部郎

中秋後五日登靈巖

日落琴臺萬頃秋館娃深處不勝幽扁舟慵向
湖邊去莫采明珠上石樓

秋容闌淡五湖平西子凌波暮雨晴七十二峯
看窈窕分明海上月初生

鄧雲霄 字玄度 東莞人長洲令

靈巖

靈巖有古寺人道館娃宮不識西施貌禪宗色
是空采香幽徑沒響屨落山風往事休回首吳
門匹練中

傷吳宮

館娃宮畔暮煙迷響屨廊中返照西莫諳吳王
當日事恐驚寒鳥一時啼

吳王行樂詞

蘇臺高出浮雲外吳越諸山几案對美人舞罷

王半醉絲管啁啾滴空翠珠簾掩却吳江水
闔雞陂西走狗塘雲芽露蕊紅蘭芳美人拾翠
行采香珠瓔寶袂搖琅琅歸來響屨香風繞月
娥西鏡森相照天鷄不報吳宮曉

九日同吳縣曾明府游靈巖

登臺人共鹿麋群錦石黃花對夕暉屐底湖山
吳混越江南風物水連雲壯游未遂扁舟去徃
事徒傷落葉紛杼柚凋殘非昔日村砧寥落不
堪聞

蔣鑛

字公鳴郡人孝廉

靈巖山

館娃久銷歇傳有靈巖山山多吳王蹟不見傾
城顏蕭瑟凌高臺荒林麋鹿閑寒煙積危岨萬
壑流潺湲日莫悲風發猶疑聞佩環

葛一龍

字震父東洞庭人

響屨廊

君王得越女憐貌復憐聲為廊崇別館花裏出
盈盈冶步搖春去文楸雜珮鳴後塵誰得踵空

籟至今生

香水溪

窈窕一溪綠流出吳宮裏郎莫澣春衣殘香膩
流水

采香徑

吳宮種香香滿山旁蹊直入山之灣美人嬌酣
朝未起采香已到吳宮裡薌澤應隨美人歌城
上啼鳥復啼鳩只看一水劃山烟風吹野花香
可憐

何璧

字玉長閩人

西施洞

古洞寒烟冷襪塵白雲曾護捧心人
卽今洞口多殘柳猶效當年黛上顰

采香涇

故宮禾黍夕陽斜荒涇無人漲淺沙
惆悵餘香消歇盡一群蜂蝶採蘋花

琴臺

荒臺鋪夕雲美人招不起惟有臺上月
曾經照

纖指遺響空谷中餘音哀濤裏落日山
鬼臺上游錯認鳴泉是流水

響屨廊

荒岡一望暮烟平響屨廊空尚有名
芳草不留裙上色寒蟬猶學襪邊聲
後塵祇見僧鞋續故跡惟聞客屐行
誰道吳娃蓮步小盈盈舉步已傾城

馬之駿

字仲良新野人許野關主政

靈巖寺

感慨千秋近躋攀信宿多亂松遵市曲寒日翳
 巖阿寶地曾香粉金鋪竟薜蘿覆天峯四障馮
 閣水微波花隱殘鍾坼蓮生斷礎訛神僧自梁
 代野老尚吳歌塔敗狐頻聚臺空鹿易過豪華
 與空幻將奈有心何

響屨廊

昔人寵姝麗於此試盈盈碧草似多色寒泉那
 敢聲沙平蟲篆滿巖黑鬼燐生豈有遺釵珥循
 行空復情

莊明鎮

字靜甫閩人

靈巖山感詠

地以靈芝勝山藏故苑春君王不復至空憶
 蘿人石室曾栖越花源未隔秦歸為佛世界采
 鑿尙愁頻

陸鳴和

字三孺醉李人

靈巖山吳為館娃宮迨梁始作佛地
 東麓一帶半入民家余友黃伯傳世
 居其下不忍見山骨日琢因請馬仲

良贖歸本寺又彙輯古今題詠及諸
遺蹟爲靈巖志爲賦十二韻

解道靈巖秀遙當震澤前吳宮銷棄粉蕭寺得
安禪所賴人天護能令磊塊全苾芻修淨業藤
葛喻多緣石醉誣羅漢芝摧惜偃佺荒臺無綠
綺芳沼有青蓮莫訝花零落新栽樹鬱芊豐碑
終不泐勝蹟久逾傳洞僻慈雲擁山空慧日懸
如如呈性體一一悟真詮挾藻成山史降魔仗
法筵本期垂歷劫不必播三千

黃習遠

字伯傳卽山史

靈巖寺

蕭帝經營日神僧顯化年始爲張樂地終屬淨
居天二井供香積重廊繞梵筵澣花將涸也醉
石尚頽然泐碣沉幽莽冷泉代夜絃池亭千嶂
月風雪五湖船雷燬存孤塔巖栖待四禪荒臺
低落照茂苑散空烟郭遠人遊少峯奇法護全
愚公移恐盡爲施贖山錢

時馬司農
贖石還山

響牒廊

三匝危廊轉宮娃卻輦行聲參環珮出香和襪
塵生衆妬凌波影重合學步情楚然一以絕十
里聽蛄鳴

二井

溶溶雙甃峰頭井松作轆轤藤作綆曾照吳宮
第一人仍是澣紗溪上影

涵空閣

切雲孤閣爲誰開斜對南山走鹿臺花盡故宮
春鳥夢草深殘礎夜蛩哀松風移簾銷三伏梅

雪凭闌醉幾迴湖上六帆歸別浦莫釐空翠遠
飛來

香水溪

越媵愛春水水嬉春復春肯將脂粉棄不是効
顰人

采香涇

宮女揚帆錦雲起笑指春山拂春水金縷爲筐
襲繡囊競采朝華媚西子香恐易消行恐遲斜
穿一徑如飛矢竟無委曲似君腸引蠶泛湖從

此逝只今兩岸葦蕭蕭不見當年種蘭芷

韓蘄王墓

穹碑上雲漢仍在山之址宸翰紀元勳煌煌垂
宋史馳道列梧楸翠微立祠宇 皇祖旌武功
祀典昭千禩側聞 世廟時縣官歲蒞止春日
陟秀峰護茲泉石美仲秋宿精廬割俸葺傾圮
魔力燬兩楹新祠遷郭裏遂令屬鼻傷侵毀從
此始塚上伐喬林域中窟封豕鬱鬱龍脉傷殘
斲石神死長令義士嗟泣涕凝寒水

阮大鍼

字集之 皖城人大行

聞靈巖禁采石東黃伯傳

空濛小雨似聞香痕粉寒臙響屨廊秦帝自鞭
填海石杞人空乞補天方

范汭

字東生 郡人

響屨廊

越女迹如掃年年燒痕綠歸僧踏嶺雲亂葉聲
相觸

采香涇

美人採花復採藥白芷紅蘭香靡靡宮前涇水
寒不流吳王夢入梧桐秋

王繼臯

字元直閩人

響屧廊

三千粉黛盡傾城試聽誰當步獨輕日莫宮中
歌舞散虛廊無復珮環聲

西施洞

含顰含笑侍君王水國芙蓉照曉妝最恨扁舟
湖上去青山空在不埋香

